

羅浮山志會編

序

宇宙蘊隆磅礴之  
氣融而爲川結而  
爲山必有其大焉  
者推爲一方之望

兩粵去

京師數千里其間名

山水不可勝數而

首推者則羅浮

山也我

皇上威德廣被薄海內  
外罔不臣服羣嶺  
百蠻之地被光華  
而歌樂利者極于  
安南交趾諸國倚

歟盛哉余奉

命節制兩粵宣播

皇仁數載以來人民樂

業羅浮在廣惠之

交爲第七洞天神

仙疊見名賢時集

祈晴禱雨有求必

應洵兩粵之重鎮

而人民所仰賴者

也余訪聞其勝而

未獲一遊適長洲  
宋澄溪堯生與余  
舊交以令子志益  
守端州同來官署  
暇日纂輯羅浮山

志會編博採舊聞  
貫穿羣書增舊志  
所未備而去其繁  
複考訂精詳具有  
本末讀之甚慊余



月  
懷因念名山大川  
之載在職方者尙  
已若僻在海隅則  
非時不顯非人不  
傳今日者澄溪

爲是編付之剞劂  
以垂不朽使見者  
聞者讀其書想其  
境一一如在目前  
是羅浮鍾宇宙蘊

隆之氣峙爲雨粵  
之望復得風雅如  
澄溪者爲之悲殆  
有默相感而相得  
益彰者非羅浮之

因人以傳因時以  
顯與昔人謂簿書  
鞅掌之餘必有山  
水之音以清其心  
而後事無不舉孰

謂山志之修明不  
有關於政治哉况  
夫靈應昭著山川  
效順雨暘時若人  
壽年豐未必非

聖天子至治之一助也

是爲序 旨

康熙五十五年仲

冬旣望

誥授光祿大夫總督廣

東廣西等處地方  
軍務兼理糧餉兵  
部右侍郎兼都察  
院右副都御史今  
陞兵部尚書仍帶

餘功五次加一級  
又加三級紀錄十  
二次年家眷弟榆  
陽趙宏燦頓首拜  
撰



序

山水固仁者智者  
之所樂也况於仙  
都洞府代有異人  
靈鳥奇花同於蓬

島如羅浮山者乎  
第羅浮僻處嶺南  
四方來游者跋涉  
數千里聚糧辦裝  
挈舟駕車積月累

時而後至此古今  
來士大夫往往慕  
羅浮者甚切而得  
遊羅浮者甚少也  
長洲澄溪宋先

生歷官三十餘年  
功業著於燕秦齊  
魯以養母乞歸適  
其子志益出守端  
州迎養官署精神

矍鑠意興豪邁日  
欲遊羅浮而因循  
未果余奉

命建節羊城距羅浮僅  
三百餘里欲游之

志與澄溪同亦以  
羈於官守未及一  
遊豈洞天福地能  
遊與不能遊及遊  
之後先遲速各有

其時不可強耶澄  
溪因博採羣書搜  
羅舊聞輯成羅澤  
山志會編山川人  
物古蹟異境靡不

畢備爲茲山大開  
生面置之案頭可  
當臥遊付之剞劂  
可垂不朽余卒讀  
是編恍如置身十



五嶺四百三十二  
峯之上與古人曠  
覽而高吟者相爲  
激昂是天斬澄溪  
之一遊而使天下

後世士大夫之欲  
遊不克遊者咸得  
覩聞其勝也其有  
功于羅浮不大歟  
澄溪江左名宿與

余夙好積學力行  
老而彌篤今者優  
游頤養猶不自逸  
而爲是編於以知  
澄溪之精力有餘

尚可以大有爲且  
慶端守之事君事  
親盡忠盡孝正末  
有艾也故書之以  
弁其端 昔

康熙歲次丙申孟

冬上浣

誥授光祿大夫巡撫廣

東等處地方提督

軍務兼理糧餉兵

部右侍郎兼都察  
院右副都御史今  
陞總督廣東廣西  
等處地方軍務兼  
理糧餉兵部右侍

郎兼都察院右副  
都御史加八級眷  
弟楊琳頓首拜撰

序

丁酉春予攝制府  
篆於端州時宋澄  
溪先生先就養於  
端守之署老年兄



弟握手道故酒酣  
慷慨縱談及於羅  
浮之勝蓋予兩人  
足跡之所未經也  
先生乃出其手所

纂述山志會編示  
予搜材博起例精  
備而不煩詳而有  
體旣喜羅浮之勝  
宛在心目尤喜瀛

溪之好學著書老  
而彌篤其精神才  
力不什倍常人不  
至於此夫班范之  
爲漢書也地理溝

洹郡國皆有志今  
雖小而志山亦史  
之一體也尚書之  
禹貢周禮之職方  
岍岐壺口沂岱醫

無聞之屬連類而  
及之今雖專而志  
一羅浮亦經之遺  
意也稟其制於地  
酌其旨於經是故

不博則不詳不備  
不精則煩而無體  
是書也寧有遺憾  
乎

天子命儒臣輯方輿之

書方徧徵天下名  
山大川洞天福地  
諸祕笈以資紀載  
而是書適成可以  
獻

朝廷而供採擇予固知  
澄溪著作所以潤  
色鴻業匪直爲幽  
人逸士筇屐眺聽  
之需而已獨是予



與澄溪生平皆擅  
登臨之興濟勝之  
具而羅浮近在五  
百里內未遑親涉  
其境豈仙靈梵釋

棲真冥悟之地果  
非塵俗所得而問  
津耶然澄溪致政  
就祿養優游多暇  
具宿春以謀赴山

靈之約者屢矣其  
願旦晚當易遂而  
予尙羈宦轍徒神  
往耳不且輸君一  
籌耶况澄溪卽不

果游而當纂述是  
書之時知其精神  
夢寐必飛騰於四  
百三十二峰之顛  
穿穴于七十二石

室之奧可以出而  
夸示其黨而予不  
已瞠乎後耶然是  
書流布通邑大都  
而予幸先得之按

圖而目遊誦詩而  
耳遊閱記疏而心  
遊毫髮曲折洞然  
於胸次澄溪又安  
能獨夸予以所未

見耶然嚮使澄溪  
不纂述纂述矣不  
詳不備或煩而無  
體則見輒掩卷是  
使予歷曲折而鑒

毫髮者澄溪善著  
書之功也而又可  
忘耶豈獨予而已  
羅浮之靈與天下  
欲遊羅浮之人其



可忘澄溪之功耶

康熙五十六年上

元前三日

賜進士及第

經筵講官吏部左侍郎

兼管翰林院掌院  
學士事奉

命巡撫廣西改授兵部

左侍郎兼都察院

右副都御史海寧

弟陳元龍題於端

州官舍

# 序

天下四大名山曰曾  
陀峩眉五臺九華皆  
菩薩道場而羅浮則  
神仙之洞府自唐宋  
及明常遣使致祭列

于祀典其間神仙接  
踵而理學之傳濂溪  
豫章延平白沙甘泉  
相繼講學於斯蔚乎  
人文之大觀則又不  
專以洞天福地爲勝

矣歲乙未余奉

簡命旬宣茲土始至訪其  
民風土俗次及乎名  
山大川知羅浮之勝  
爲第一長洲 宋澄  
溪先生以觀察致政

其嗣君志益出守端  
州來就祿養余於先  
生幸叨世講近又與  
令似共事一方因得  
相接承示以纂輯羅  
浮山志會編凡二十

二卷上自星野下及  
景物遺文軼事蒐羅  
殆盡余讀之而飛雲  
高聳之勢若與目謀  
林禽泉谷之響若與  
耳謀益增余企羨之



思矣先生文章政事  
海內所推豈復以一  
志爲重然而名山面  
目因志以顯與四大  
名山相埒則甚賴乎  
先生之有是志也端

守推孝養以爲政政  
簡民安故先生得優  
游翰墨至老不倦端  
守又較刊是志以垂  
不朽其有功於是山  
豈淺鮮哉故喜而爲

之序 皆

康熙歲次丙申仲冬

穀

誥授通奉大夫廣東等處  
承宣布政使司布政  
使加三級紀錄八次

年家眷姻世弟王朝  
恩頓首拜撰

序

兩粵五嶺以南山水  
神奇絡繹數千餘里  
而羅浮二山則嶺南  
山水之尤著者也巖  
巒萃嶽谿壑迴環仙

月  
三  
一  
蹟賢踪在在都有珍  
禽奇卉人世所希誠  
神仙之洞府天下之  
巨觀自古來嶺南者  
必訪求二山探幽索  
隱不遺餘力故名公

鉅卿著作如林藏之  
名山傳之志乘誇爲  
勝事余仰荷

聖恩擢守桂林今復廉訪  
粵東往來兩粵之間  
心慕口說常有一羅

浮於意中而簿書鹿  
鹿未遑一遊得毋爲  
山靈所哂乎癸巳秋  
長洲宋君來守端州  
奉其尊人澄溪先  
生於官署先生博雅



君子也留心風雅宦  
遊四十載著有善政  
而公餘之暇必尋山  
問水以爲樂吟咏甚  
多紀載甚悉日者與  
余相對手出一書示

余則羅浮山志會編  
也夫羅浮向有山志  
余每惜其簡而未當  
闕而未備駁而未純  
先生則取而次第之  
復博採羣書會爲一

編以集厥成是山固  
天下之巨觀而是編  
又爲山志之巨觀矣  
余讀之竟覺仙跡賢  
跡珍禽奇卉恍在目  
前往時結想于胸中

者由是以慰且得附  
是志以傳不朽謂非  
生平一大快哉故不  
辭而爲之序

肯

康熙五十五年歲次

丙申十月上浣

誥授通議大夫廣東等處  
提刑按察使司按察  
使年家眷姻弟武廷  
适拜書于端溪之宣  
教堂

序

原夫封域攸分粵屬五州又裔羅  
渚會合山傳千古名詳載于經  
書晉標焉漢史溲波杳渺直接  
蘇萊坎脈縣延緝緡句曲十洞  
應居其勝五嶺並讓其奇璇室  
瑤房隱現白雲穴內鍊橋石鑑  
參差碧落

久間經取曲而彌深泉絳源而借  
縑兮聲谷響嘖嘖鳳凰百尺峯攢  
炎燁玳瑁苔封丹竈葛洪之真蹟  
依然霧隱僊壇麻姑之雲踪幾在  
委巷村夢錦美人于少直室積年  
像肖古佛于祇林爲畧述夫秘談  
已勢聞而罕見爰乃披鮪幽怪物

產殊尤。芝吐六英豐。蔚映龍蕊之。  
竹雀呈五色。繽紛雜翠羽。以禽靈。  
龜孕蓄。不季替。淵表瑞。菖蒲叢生。  
九鬣絳澗流。香錦雞。怡彩蝶。齊飛。  
玉屑與金沙。竝燦朱明絕。展氣備。  
卯時密圍。匪經支分。三島展矣。洞。  
天以福。坡美哉。寔寓之。與屈以故。



望重羣山詩歌煥然騷人綬客咸  
思命駕以撰奇學士大夫韻欲抽  
毫而紀異鍛楮在管約舉大凡意  
宏既仵疏于前王胄復繪圖于後  
歷季綦久蹟稟失傳沿及有明諸  
先正始輯而成志洎乎當代陶使  
君踵事以增修然而援據或踈編

摩未備旁搜遠紹難免挂漏之譏  
載事屬詞不無駁雜之病雖已付  
于梓人恐有乖于作者爰有吳會  
名賢端溪就盛岩猷好學恒擁縹  
緗興豈憊綽暫披瑱履夙慕貞常  
山勝谷垂宋刊止書于是憚採舊  
聞廣徵軼事總緝交于蕭寺爲攷

異同得藍本于敝家用加損益錯  
綜參伍務極乎精詳文采葩流胥  
歸于馴雅兼虛衷而若谷集衆脞  
以成裘此誦名山之盛業抑亦藉  
茲之鴻宝也余與令子諠托久要  
曩茲事于亟轉从同官于南服謫  
錮靈羊之峽獲豐暎綵之堂香挹

鳳規年將耄而神明不減妙聞緒  
論書等身而著述偏多示以是編  
受而卒業發凡起例粲若列眉縷  
析條分瞭如指掌洵有倫而有脊  
大不簡而不繁朗諷清文恠忽聲  
聞仙樂頻披綠字依稀足躡飛雲  
勿徒秘諸枕中願早公以海內志

同博物從丰廬歸石室以藏往以  
水經此日可備職方以采敢辭固  
陋叙緣起于蕪篇垂所流傳掛姓  
名于末簡 峯

兼獎五十五香歲在游兆涸灘涂  
月之吉

賜雖亦出身

誥授朝議大夫提督廣東等處學政按察使司僉事蕭禮韶儀制清吏司郎中加一級古賜年眷寅妣顯妣  
琴擬

叙

太史公云名山五千五嶽作鎮羅  
浮括倉輩十山爲之佐命夫以寓  
內之大名山之多羅浮雖僻在南  
徼而五嶽而外太史公首數及之  
其爲嶺南之勝蓋可知也余甫壯  
而仕驅馳常數千里冀之恒雍之

華豫之嵩青徐遼岱五嶽已歷其  
四其他險若龍門隘如峭啗決衍  
之蜿蜒五臺之崇聳郵傳所至輒  
停驂投轄綜覽其勝俯臨美河遠  
眺絕塞皆天下之大觀也而羅浮  
獨無由至焉比者奉

命歸田就養粵東謂非造物者假之緣



俾得償所願乎顧初至不欲勞人  
竊計言旋之際當捐擲數旬專精  
殫力恣登臨焉庶幾攀巉巖窮日  
觀踰絕澗源流泉使仙靈集會之  
區與夫日月風雨晦明變幻之狀  
無不囊括洞矚於心目間良快事  
矣今年春束裝挈侶爲行計有東

樵僧者熟於其徑欲與俱行東樵  
留余獨意外堂蕭憚拂余志阻余  
行而余數重其言來不能無聽傍  
徨中夜殊不自釋旦而起因余得  
之矣有不遊之遊在試取出志按  
圖據說以想像爲臥遊形逸而神  
旺不亦可乎東樵曰可哉於是蒐

索山志得三四本其前人舊志既  
不可見所見者言人人同恨猶簡  
畧未脩也兒子志益以爲未慊余  
志多方購求凡有涉于羅浮之書  
悉彙致之數日後千里畢至余詳  
細披閱纂取其說比近志所載增  
十之五遂復次第之刪其重複條

分縷析列爲三十二卷名曰會編  
示皆前錄之見聞而非以次之臆  
說也東樵之言曰羅浮之勝非絕  
濟勝之具不能遊非遇晴和適候  
不得遊故粵中人士求其得壑羅  
浮者百無一二焉其得壑而能遊  
之徧遊之徧而能一一言其勝者

千百人中僅一二人焉余今者手  
抄目覽心領神會不啻遊之既徧  
而且一一能言其勝也夫而後羅  
浮之勝與少壯所歷名山五嶽俱  
得往來于胸中而不忘不遊之遊  
其爲愉快者何如子濫曰是可以  
惠粵人之未遊者請而付之剞劂

月  
氏爰叙其緣起云 昔

康熙丙申暢月長至日

誥授奉政大夫山東等處承宣布政使  
司分守濟東道協理河漕兼理通  
省驛傳事務按察使司僉事加  
級長洲宋廣業撰

# 序

昔陳白沙先生擬遊羅浮不果  
夜夢長髯道士囊貯羅浮以贈  
覺而異之作卧遊詩夫太虛一  
囊也包括天地天地一囊也包括  
山川人物類物之數有萬吾身  
處一焉吾身亦一囊也包括萬

有相為囊括相為遺贈何者  
是夢何者非夢乎哉解斯旨者  
惟我澄溪先生一人余嘗與  
游并東樵老僧而稱三咲視四百  
名峰猶囊中物耳澄溪以山左觀  
察族里嗣君為端州太守就養郡  
齋四閱寒暑境內名山靡不登臨



題咏幾遍惟以不獲至羅浮為  
悵一日東樵告余曰今冬澄溪將  
歸吳門銳意欲為羅浮之行於二  
月挂帆來大通問道於東樵東樵  
以泥淖難之出羅浮山志以贈澄溪  
三復神往焉欣然曰余雖未往羅  
浮如遊羅浮矣遂廣搜博覽為

山志會編一書既成索校讐於泰  
校讐畢復澄溪曰卅白沙意中  
境囊中物也今先生尺幅積素繪  
五百餘里之山川方寸管城記數  
千百年之人物貯羅浮於囊中挈  
之以行乘風雲排闥闥馭八駿登  
瀛洲弓挂扶桑劍倚天外無造而

非羅浮也反而藏之名山傳之其  
人唱之以谷響和之以松風展卷  
而萬象森羅擁書而百城南面四  
百三十二君招之不來麾之不去當  
是時也與長髯道士相見於邯鄲  
枕上也可與東樵及余相期於虎溪  
橋邊三笑而別亦可 省

康熙歲次丙申中秋

賜同進士出身翰林院檢討前

特簡吏科給事中年通家眷世弟鳳

城鄭際泰頓首拜撰

羅浮山志會編纂輯書目

一統志

輿地志

南越志

廣東通志

廣西通志

廣州府志

惠州府志

東莞縣志

增城縣志

博羅縣志

安慶府志

杭州府志

前漢書

宋史

文獻通考

陸賈南行紀

張華博物志

郭璞山海經

抱朴子

太平廣記

異物志

續紀怪錄

江湖紀聞

司舍恆談

劇談錄

閩中記

本草圖經

集仙傳

洞仙傳

茆君內傳

三洞真經

真誥

袁宏彥伯登羅山疏

竺法真續羅山疏

東坡志林



郭之美山記

譚粹羅浮集

王胄希戴羅浮圖志

白玉蟾如晦羅浮山志

李昉英俊明文溪集

鄒師正指掌圖

陳鵬飛少南羅浮集

潘昂山圖記

陳璉琴軒羅浮志

門人羅泰同輯

黃佐泰泉圖經

門人黎民表注

黎民表惟敬羅浮山志

葉春及綱齋石洞集

韓晃賓仲羅浮野乘

韓晟寅仲羅浮副墨

韓鳴鑾伯雎羅浮圖志

韓德焜春野名峯圖說

陶敬肅公羅浮山志

梁佩蘭藥亭六瑩堂集

李嗣珏礪侯羅浮山志

盧挺鶴亭羅浮山囊

王煥子千羅浮紀遊詩

今但塵異梅花莊詩

成驚跡刪咸陟堂詩文集

羅浮山志會編目錄

分守山東濟東道僉事加八級長洲朱廣業纂輯

廣東肇慶府知府加五級男米志益校鐫

翰林院檢討鳳城鄭際泰叅訂

卷首

羅浮山總圖

分圖 前列圖說

卷一

天文志

星野

地理志一

疆域

名勝一

卷二

地理志二

名勝二

卷三

地理志三

名勝三

卷四

人物志一

仙一

卷五

人物志二

仙二

釋

卷六

人物志三

名賢  
遊覽 隱逸

卷七

品物志

羽  
毛  
鱗  
介  
蟲

艸  
木  
穀  
菜  
瓜

果  
花  
竹

卷八

述考志一



典故

紀聞一

卷九

述考志二

紀聞二

祥祲

卷十

藝文志一

序

誓

新刊山陰縣志

卷

說

引

卷十一

藝文志二

記

卷十二

藝文志三

記二

跋

卷十三

藝文志四

疏

上梁文

卷十四

藝文志五

賦

表

頌

贊

銘

騷

卷十五

藝文志六

四言古詩

五言古詩

卷十六

藝文志七

七言古詩

卷十七

藝文志八

五言律詩

五言排律

卷十八

藝文志九

七言律詩

卷十九

藝文志十

五言絕句

七言絕句

詩餘

卷二十

藝文志十一

國朝各體詩

五言古

七言古

卷二十一

藝文志十二

五言律

七言律

卷二十二

藝文志十三

五言絕句

七言絕句

詩餘

羅浮山志會編目錄終



羅浮山志會編卷之首

長洲宋廣業澄溪纂輯

卷首

圖說

羅浮山圖贊


宋廣業

天作高山神靈之宅第七洞天佐命南極福地泉源  
二山若一鐵橋亘虛丹梯接迹遠矚層城輝煌金壁  
俯觀滄海空濛盪滌按圖索驥眼觀耳食臥遊神往  
心空境寂

東至博羅縣治五十里

羅浮山圖

秀水陸奇寫



北至增城縣治十二里





西至增城縣治七十里

羅浮山志會編卷首圖說



飛雲峯說

在羅山絕頂其峯矗天晴霽常有雲氣朱子常登此

晨起見烟雲在山下衆山露峯尖如在大海中雲氣

往來山若移動天下奇觀也有瑤池

水與海潮相應

阿耨池

池側有阿耨塔景泰禪師入定處

夜樂池

夜常聞仙樂

有凌雲塔梁景泰

禪師建阿耨塔梁蕭譽建有見日庵宋郡守趙汝馭

建道人王寧素居之崑崙清界屐雲門先春亭橫翠

亭拂松亭子日亭玉鷺峯接風洞雲洞雨洞圖經云

玉鷺峯又云鷺嶺

飛雲頂

飛雲頂

玉塔

春日見

聚賢

夜樂池



上界三峯說

浮山絕頂高三千六百丈與羅山竝峙于四百三十  
二峯爲最高故曰第一峯或又呼爲三界峯



止界三峯



青羊石說

上界第三峯爲青羊石石下有青羊巖相傳有樵夫  
遇人騎青羊躑躅巨石上樵夫躡從之伏巖中不復  
出所見惟石上羊跡始知異人云

青羊石



鳳皇谷說

上界三峯下有夜樂洞鳳皇谷在洞西時有五色雲  
氣瀑布泉掛峯側

鳳凰谷



鐵橋峯說

羅浮二山接連處爲泉源山鐵橋則泉源山以西峯也峯之石如長虹隱空砥柱對峙故呼爲鐵橋是峯上薄霄漢俯視石樓煙雲籠之眺望罕見

鐵橋峯

卷之十一  
圖說



瑤石臺說

鐵橋峯下卽瑤石臺也石色白如瓊瑤晶莹可愛故  
曰瑤石石高五百六十丈巋然壯觀雲覆其上若屯  
絮有瑤石山房在臺之南



瑤石臺



玉女峯說

鐵橋南下一石崢嶸挺立數仞可躡而登自遠視之  
如女梳粧舊志亦謂有仙女梳粧于此峯云

玉女峯



朱明洞說

在浮山之中麓有冲虛觀爲稚川之南庵都虛舊址

也唐置守祠宋賜觀額曰冲虛中爲三清殿前有御

簡亭右葛仙祠後蓬萊閣最後遺履軒

蓬萊閣舊在蓬萊峯下朱

靈芝在此得仙後鐵玉皇像及二侍從像南漢所鑄

改建于遺履軒前

黃野人廬在觀側丹竈在觀西北會仙橋在觀前衣

冠塚藥市在觀左藥市有鳥名紅翠鳴聲如搗藥東

坡山房在觀右釣魚臺在觀東南有石如臺水遶其

前

朱明洞圖



丫髻峯說

冲虛觀東數里有蓬萊洞洞之在懸壺相對峭立如  
丫髻劉仙壇在焉壇高百尺乃劉高仙真跡坐處  
旁產竹葉符鍾離仙所篆以鎮壓蛇虎故有試刻石  
最下羅陽溪產籠葱竹大十圍節長丈餘如芭蕉  
東林寺在丫髻峯下與試劍石相近

丫髻峯



麻姑峯說

冲虛觀西南有石峯峭拔名曰麻姑峯傍有巖曰麻姑壇樹石清幽白鶴祥雲時集其上有彩雲軒遺址峯下張秘書墓墓下白蓮池去百步爲朝斗壇彩雲軒唐天寶間因麻姑降此故建軒何仙姑祠在麻姑壇宋時冲虛觀會齋有五色雲見於麻姑壇二人縹緲而來道士蔡天一識其爲何仙姑也因立祠祀焉



麻姑峯



蝦蟇石說

石在冲虛觀後巨石蹲伏若將跳踯者絕類蝦蟇故名亦呼蟾蜍石

蝦蟆石



觀源洞說

洞在冲虛觀之原西南五里一名藥院此洞曠沃可耕唐建中初王野人體親居之李翱曰觀源故無人居因野人植茶墾田自給十年遂成三百家唐時人避地入觀源洞見石壁間詩云松門石徑茸芳草落花滿院香沉沉及再觀不見宋鄭玠爲足成云

觀源洞



幽居洞說

洞在冲虛觀北有逍遙庵白雲庵庵東有軒曰東軒  
有鄭公書堂在焉洞後有滴水巖黃子書堂洞中禽  
聲樹色陰翳間寂考之逍遙庵舊名茶庵宋淳祐中  
逍遙子所居白雲庵邑侯鄭玠築咸淳中玠子康佐  
守惠復建書院黃子書堂今名書堂坑五代時真人  
黃勵修煉於此基址猶存

幽居洞



青霞洞說

路由朱明洞後自西而北三四里有青霞書院舊志  
曰蘇真人修煉處卽洗桂奇讀書臺又有湛甘泉書  
院



青霞洞



水簾洞說

洞多奇石水自石瀉下如簾有張留書院緣崖至月  
巖八仙石流杯池下有潭潭底黃石中界洞口石壁  
數仞水從凹中飛流如轟雷下爲五龍潭黍珠庵創  
自鮑靚東壁有何仙姑題詩壁半毀惟餘百尺水簾  
飛白虹笙簫松栢語天十三字藥槽在流杯池上旁  
有三石曰長壽觀在酥醪觀西北南漢天華宮俗呼  
爲南天華五通祠在觀前軒轅庵在洞南軒轅集舊  
居石刻二詳見古石刻

水簾洞



羅浮山志

卷四

圖說

十八

蝴蝶洞說

洞在水簾內雲峯巖側多蝴蝶故名蝶依花樹間見人不爲動動亦不遠人折樹枝携出洞輒飛復故處相傳葛仙遺衣所化天漢橋在洞中雲峯巖前兩峯屹立其中綴石如橋可通往來雲峯庵在峯前王子洞在天漢橋邊晉末王叔之隱此讀書

湖蝶洞

雲母峯

紅玉洞

羅浮山志圖說

二



黃龍洞說

在延祥寺西北舊志云南漢主夢神指授因建天華宮又夢金龍起于宮所遂改爲黃龍洞路自山脊而上甚險峻入四五里始至洞中山水奇勝賢士多樂居之周濂溪羅豫章李延平陳白沙嘗遊詠於此巡按洪覺山建四賢祠祀焉獅子庵在獅子黃龍二洞之後天華故址舊志有雲華閣甘露亭羽蓋亭合陽門起雲門雲華門前有龍穴石跡有七星壇古松七株有葛仙行祠宋末毀有磴確在洞下金牛逕中

黃龍洞

羅浮山志

卷三

圖說

三



卓錫泉說

寶積寺之旁有卓錫泉卽景泰禪師卓錫泉湧者也泉有九孔俗又呼爲九眼井後人因泉而建寶積寺遂爲羅浮名刹其上有羅漢巖有穴通金壇山



卓錫泉



伏虎巖說

寶積寺後有伏虎巖殊不類虎伏舊志謂隋僧惠越嘗引虎枕其膝故巖以伏虎名又云鄭思遠每出騎雄虎虎子負經書衣藥以從巖得名或以是乎巖側佛跡石二跡甚異朱子庵在伏虎巖上秦時朱真人在此得道上接高崖徑路可通石樓

伏虎巖



桃源洞說

羅浮東麓洞多桃每春明花發落花隨水而出遂呼  
其洞爲桃源

桃源洞



石洞說

在明福觀後有廣莫庵遺址洞極幽深外有兩崖屹立望之如門白雲常封舊志鄺仙在羅浮修道人見其騎牛入石云左有蓬萊洞白鶴觀右有西華道院遺址猶存白鶴觀在石洞之左卽稚川東庵基廣莫庵在鄺仙石之前莫道人舊居明福觀在石洞之前南漢時建東坡書額曰西華道院近明福觀與張元庵退居於此石洞山房前有確乎堂卽葉春及逃庵前曰洗耳泉林民止所題

石洞圖



華首臺說

孤青峯下爲華首臺舊志羅浮靈異記謂有五百華首羅漢遊息於此故名開元二十六年建後遂爲寺明萬歷間千山剩和尚重興道場與天然和尚迎黃巖空隱禪師開堂說法大闡宗風四方雲遊叅學者至不能容因復建前樓山門有一聯云一門深入羅浮路五百重登華首臺空隱所題也臺後有合掌巖雙石斜立高數丈上合下開如合掌然空隱常於此入定嗣天然者爲澹歸和尚名今釋爲塵異名今但



代有高僧規模日廓今爲羅浮第一禪林



華首臺

青嶺

石牀



梅花村說

水簾洞口卽梅花村多梅樹隋開皇中趙師雄遷羅浮一日天寒日暮微醉於松林酒肆旁見一女淡粧素服出迓時已昏月色微明雄與語清麗襲人因扣酒肆相與飲少頃有綠衣童子笑歌戲舞雄醉寢漸覺寒風相襲東方既白起視在梅樹下上有翠羽啾嘈相顧月落參橫惆悵而已內有宋人所建松風亭及留丞相書堂一名可賦庵遺址猶存

梅花村



石樓峯說

水簾洞口右十五里二石對峙巔空如樓謂之大石樓南五里有小石樓俱有門俯視滄海石樓之東南近孤青峯一石光彩如鑑石上有黑白碁子一十八枚往來相盪拈之不起名曰仙奕平雲閣在大石樓之右有石壁出泉昔傳唐武后遣使人羅浮採藥迷失道路使者禱於神是夕群象踏山遲明路開乃建平雲閣學士張鷟立碑紀其事龍華寺在石樓之下

石樓峯

大石棧

石門

小石棧

仙樂石

平安閣



通天巖說

巖在大石樓東君子巖側竇徑寬廣有一竅上貫山頂仰見天日空明透徹故曰通天



通天巖



君子巖說

在長春觀前近通天巖舊志云其峯秀整端麗類雅  
操高潔之士故以君子名巖

君 子 巖



玉洞說

小羅浮之下有水東村相對有洞舊名柚子坑又名紅玉洞

玉洞



犀牛潭說

潭在夜樂洞側水清見底舊志云昔有人入山中遇人騎犀牛于潭上不知其所往後至其處惟見石上遺跡云相傳唐武后遣使入山採藥夜至潭畔見有樓閣危聳少頃化去始知空潭山中老宿云其下有巨蛙赤色每吐氣輒成山林樓閣異狀

## 凡例

羅浮向有記載而近日流傳正多未備又事物與詩文錯出更難稽考是編於舊本悉已具載復博採羣書十增五六故名之曰會編恐見聞尙有未及各條下仍畱餘幅以俟續入

一修志貴詳而有據方可徵信故凡增入者必註明出自某書某籍以見有本

一圖說列於卷首使人按圖據說而得其大概也先總圖知全山形勢孰上孰下孰左孰右次分圖知

洞壑膚理孰險孰夸孰幽孰顯閱之一目了然故  
說雖仍舊而繪事則倍加精詳不敢草草也

一圖說以下爲天文輿地人物品物述考藝文六志  
以爲綱而六志中又析爲星野疆域名勝仙釋名  
賢物產紀聞祥禳詩文以爲目合之計得二十二  
卷

一山志志其勝志其人志其事志其詩文也志勝者  
詳以方位志人者別以仙釋遊覽隱逸志事者統  
以紀聞志詩文者分以體製不敢輕加論斷



一舊志每條之前各有小序今依宋范成大吳郡志  
例刪之

羅浮山志會編卷之一

長洲宋廣業澄溪纂輯

天文志

星野

天文牛女之次


廣東通志南越在揚州之域牛女分野牽牛六星  
天之關梁其北二星一曰道路二曰聚火又上一  
星主道路次二星主關梁三星主南越須女四宿  
天之少府也離珠在須女北須女之藏府也

明一統志


及分野書閩越諸郡俱牛女分野惟廉州一郡別  
謂惠州專屬須女潮州專屬牽牛  
屬翼軫其餘九郡皆屬牛女羅浮二山亦屬牛女

分野

牛宿圖



女宿圖



地理志

疆域

羅浮山在粵東省會之東南去番禺東二百里高三千六百有餘丈延袤四百有餘里名峯四百三十有二瀑布九百八十兼洞天福地而有之羅山峙於西北虎豹窟宅猺獞居之浮山傳於東南先賢講席緇羽焚修遠近遊者覽勝於茲其爲疆域也聯廣惠兩郡之交東南方隅皆屬博羅去縣治五十餘里西北屬增城去縣治西七十里北二十里西南屬東莞去

縣治七十里海中番舶至者遙望是山爲歸宿焉

志

出舊

# 名勝一

羅浮山指掌圖記

宋道士 鄒師正

名山異境散布人寰其知名者有十大洞天五在江浙三在梁益與夫洛京一惠陽一而已洛京衣冠都會之地江浙梁益舟車奔湊之鄉其林泉之美登覽之便著於有聞蓋地勢使然也獨羅浮邈處海上天下想聞之而恨不至其地問有能至之者非逸世高蹈之士非希仙慕道之人山之高且三千六百丈地之袤直五百里峯巒之多四百三十二溪澗川源有

不可勝數者是雖長年隱者猶未易遍覽而況士大

夫來游者暫至倏還旬日而罷又安能周知茲指掌

圖所以作也游山者自龍華寺

有陳孝女昌福夫人祠

七里登

山初至延祥寺

唐朝賜額

明月戒壇

唐時度僧於此受戒

百尺壇

唐祭

山鐵佛像

西域所獻

御園柑子

唐朝克貢元宗幸蜀德宗幸梁時皆不實僖宗幸蜀

花落樹枯

至山腰三里餘有寶積寺

宋朝賜額

中閣

唐僧懷迪所建御

書閣

中藏宋太宗真宗仁宗賜書及景德賜佛衣嘉祐賜藏經

錫杖泉

景泰禪師駐錫之地

銅佛像寺後羅漢巖

有穴通金壇山

伏虎巖

隋僧惠越居此嘗引虎枕其股

佛跡石上山十里有大小石樓

二樓相去五里其狀如樓有石門俯視滄

海夜半見日出有山岸周迴五  
鐵橋峯在羅浮二上

里水消長應海潮盈縮之候  
界三峯上接鐵橋峯在煙青羊巖在上界第三峯夜

樂洞在上界三峯下昔犀牛潭試劍石在夜樂洞中

試劍瀑布泉夜樂洞中上界三鳳皇谷夜樂洞中有谷

其鳳浴潭在鳳皇谷口瑤石臺在浮山接鐵橋峯高

飛雲塔又云凌雲塔在山頂上即飛雲峯夜瑤池在

頂又名阿耨池在飛雲塔之西景夜樂池飛雲塔側

龍母池阿耨塔梁蕭譽建有泉源山羅浮二山接連處俗

所泉分山東西流王鷲峯一名龍王坑景泰禪師說



上中下龍潭

亦名西龍潭有瀑布泉三十仞

華首壇

佛書云華首菩薩五百會於此

上資福寺南樓寺

在石樓之南故得名

去延祥之西五里餘曰

黃龍洞

南漢於此建天華宮今呼為西天華

七星壇

有古松七株甚奇

獅子洞

有道華首臺

在黃龍洞之西

山背曰鳳皇岡

何仙姑居此

雲母溪

其中出雲母石

循延祥而東七里餘抵冲虛觀

葛仙所居丹竈

坡書稱川

衣冠塚

葛仙尸解葬其衣冠

蓬萊閣後遺履軒

鮑仙

夜談之所

銅玉皇像及二侍從三尊

南漢所鑄者

觀後朱明洞

道書云朱真人所治

朝斗壇

在洞口近於壇獲銅龍六銅魚一

黃野人庵

野人

之門役也庵有啞虎守之

釣魚臺

在觀之左

青霞谷

蘇真人常居之

野人洞

即王

子書堂坑王觀之北曰酥醪觀葛仙庵麻姑峯在觀之西南有

麻姑壇嘗有彩觀之南曰觀源洞一名麻姑洞一名

雲白鶴集其上觀之南曰觀源洞一名麻姑洞一名

也西北曰幽居洞有鄭公滴水巖在幽居之後長壽觀本

漢天華宮今中路直上君子巖巖側有雲峯巖其下

蝴蝶洞洞多蝴蝶云是葛仙遺衣所化前曰水簾洞此中水石最勝

於此天漢橋路出藥槽其下為杯池昔有八仙會飲於此其側

有八仙石羅浮石刻篆書羅浮二大字廣一丈許右

石上有詩羅浮石刻刻淳熙乙亥良月望日左刻郡

守陳陽吳哀男有書又小石刻朱明洞天四字倒臥

溪中又石刻篆書長壽瀾三字下刻聖宋皇祐二年

冬閏十月二十七日提點諸州刑獄太常博士范陽

祖無擇題書又石刻郡太守師顯行觀青藜杖旁刻

惟字山志會編卷一 指掌圖

景定甲子歲十月餘不可辨

東龍潭

潭上有五龍堂

自冲虛觀出會仙橋

東行三里餘抵明福觀

南漢建亦名九天觀

迤邐到

即郎仙騎

牛入石處小水簾洞

此處多隱者庵

白鶴觀

葛仙東庵

東北至蛇穴

單道

開蟬蛻之所相傳穴中有路通眉州

又東數里至蓬萊洞丫髻峯

又名雙髻

有劉仙壇

石壇高百丈許云劉高尚打坐處其旁生竹葉符鎮壓蛇虎

峯下有

試劍石有羅陽溪

傍溪產龍葱竹巨十圍其節長二丈葉如芭蕉

東林寺山

之東西有香臺峯會真峯櫻桃峯拋毬峯刀子峯錦

繡峯黃猿峯鉢盂峯致雲峯大旗峯小旗峯雲母峯

雞籠峯又有金沙洞石臼洞朱陵洞太和洞歐陽洞

赤水洞白雲洞風洞雲洞雨洞白角洞大慈寺洞古  
老洞白芒古洞枕榔洞大坑洞奇巘秀岑湍流怪石  
不可名狀此遊山者之梗槩也大抵洞裏乾坤壺中  
日月雖與世相絕然人與山有緣則蓬萊遠隔弱水  
以躋車飛空而或可到與山無緣則瀛洲近對會稽  
雖驅石塞海而不可逢故作指掌圖以與好事覽焉

圖經

井序

明祭酒

黃

佐

泰泉

羅浮秀出揚粵洞天之名甲於南紀然禹貢職方  
山鎮皆亡及焉述在五嶺之表九州之裔故也夫

中國名山莫崇五嶽登封惟在岱宗今泰山上有  
日觀而羅浮亦夜半見日胡爲然耶嘗攷天官書  
日月五星起揚粵斗牛之次連貫營室則元枵青  
齊在其中蓋山澤之氣通焉爾故昂聳於上則碧  
霞飛雲儷其尊高軒豁於前則鯁鯁鵬溟均其寥  
廓海隅日出茲所由同與登封昭自古昔而諸馮  
闕里豪聖挺發唐祭茲山而海濱鄒魯才肇開元  
豈非天人合應者與志首圖經以詔地事者法周  
官也

羅浮者山之總名也羅山在番禺東二百里其上有  
桂樹神湖浮山自海來傳之其上有平田嘉穀崖巘  
皆合爲一臨于博羅之上北望增城南望東莞高三  
千六百丈山顛曰飛雲頂帶岨起峯曰聚霞周迴二  
十里夜半見日實惟朱明耀真洞天其峯四百三十  
有二飛雲頂西曰上界三峯高三十仞不可以上其  
下迤衍有滙水與潮汐應曰瑤池有神仙聚會壇當二山之  
嶼爲泉源福地名分水嶼其中有石如梁曰鐵橋湍水出  
焉分東西流注于潭又南流注于淵五龍蟠焉歲旱

禱之則躍出而雨其嶺十有五其石室長溪各七十

有二瀑布九百八十其洞穴潛通句曲仙靈之所居

也

謝靈運賦羅浮與三茅相通

是多玉樹芝艸珍禽奇獸神湖東

三里有昇天橋其陽有谷夜聞鈞天之音是謂夜樂

洞有鳥焉其狀如鷄五采而文浴於谷口之水是曰

鳳皇之谷其下石槽之水出焉有石曰洞八仙石中

路有書堂坑

其下東西龍潭

鐵橋西曰大石樓其南有橋曰

度仙相去五里曰小石樓有石門逕路十里可至上

而嶢岼至巔三百丈周迴二百里下而斜矗至麓三

千三百丈周迴五百二十里羅山之陽有瑤石臺高  
六百丈廣七十丈其上多奇石其下有峯曰華山其  
南曰香臺又南曰會真多木無草有五色雀又南有  
谷焉前望朱明洞後臨蝦蟇峯是曰青霞之谷又南  
有丹竈夜有光見于東北龍虎峯如霞而五色其草  
多芝其東北有桃源洞其東南有會仙橋其陰有玉  
鶯峯神女居之其下曰  
黍珠菴下有二穴出風雲而雨東北  
曰大獅峯又北九十里連阜接于增城曰鶯嶺又  
東兩峯間出曰大旗曰小旗又東一峯曰致雲又南



一峯秀麗特起曰仙女又西南一峯如貝而文曰賽寶又東南曰雙髻峯有仙壇符竹羅水出焉過釣魚臺東南爲碧溪又西南流爲羅陽水又東南有白鶴峯又南有峯平而圓曰石鼓扣之有聲是謂神鉦又南爲松逕口其東爲龍尾岡又東南四十里龍江之水自龍穴出焉西北與羅陽水合南流注于海自松逕口至于白水山百里而近羅浮之東麓也浮山之陽有蓬萊峯其上多龍公竹有鳥焉毛彩如孔雀而五距名曰碧鷄其下有壇列仙之所集也其東南曰

獅子峯多萬年松又南曰麻姑峯女仙之所集也有  
獸焉麕身狼尾馬足而黃色名曰麒麟或降於麻姑  
臺其西有觀源洞又西雲峯巖之下有蝴蝶洞其西  
南水簾出焉是爲水簾洞其南有菖蒲澗其西南有  
天漢橋又西南有孤青峯對石樓南仙奕石盤在焉  
其南金沙洞中有華首臺蓬萊峯之西曰錦繡峯多  
奇花異艸又西四峯疊出曰鉢盂曰玳瑁曰拋毬曰  
雞鳴其陰雲母峯之西北曰鳳凰岡神女居之雲母峯西  
龍潭上轉泉源山界則增城縣也乃何仙姑所產之地其下雲母之水出焉西

北注于增城之西青山而成淵神龜潛焉是曰龜淵  
淵東石徑可以步徑而上又西南曰飛來峯其傍有  
梅花村又西南五里有鹿角嶺自中路之南平疇迤  
邐而西曰藍田又南曰賣酒田又西南曰泊頭其北  
爲小羅浮岡其下有跳魚石又西北有牛嶺十里至  
增城又西有奉宸橋其南有七星松王維云  
七曜洞仙靈之  
所息也羅陽之水西流與增江合其一南流與龍江  
合三十里波羅之水入焉又南流注於海自泊頭至  
於白雲山二百里而遙羅浮之西麓也泊頭者卽宋  
泊頭鎮今之

泊頭墟也去山十里舊有圓照堂華首  
臺僧居之以主遊客謂之下院今存

羅浮山圖經注

明參議 黎民表 惟敬

羅浮者山總名也羅山在番禺東二百里浮山自海  
來傳之崖巘皆合爲一臨於博羅之上北望增城南  
望東莞高三千六百丈

山記羅浮者蓋總稱焉羅羅山也浮浮山也二山  
合體謂之羅浮在增城博羅二縣之境羅山自古  
有之浮山者本蓬萊之一峯堯時洪水泛海斷來  
傳于羅山崖巘皆合至今卉木不同浮山皆海中

類也陳郡袁彥伯東莞徐履道皆云蓬萊有三島

此其一焉

山頂有桂所謂貴隅之桂有神湖周五里水應海潮

其峯四百三十有二飛雲頂西曰上界三峯高三十  
仞不可以上其下迤衍當二山之嶼實惟泉源福地  
其中有石如梁曰鐵橋湍水出焉分東西流注於潭  
又南流注于淵五龍蟠焉歲旱禱之則躍出而雨

山記山之峯四百三十有二西出飛雲者有上界  
三峯峭絕鼎立煙霧霏微如幕護之人莫能至與  
鐵橋相接當二山之交嶼曰泉源道經所謂第三

十一福地仙人華子期治之者也一名分水凹有  
泉湍飛迅急注於東西潭又合流成淵曰五龍潭  
上有五龍堂歲旱禱之龍躍出卽雲起而雨十大  
洞天兼有福地者惟朱明泉源與句曲地肺而已  
舊志橋有石路石柱望之如橋在羅浮二山相接  
處雲霧常蔽人迹不到乃神仙之境

其嶺十有五其石室長溪各七十有二瀑布九百八  
十其洞穴潛通句曲仙靈之所居也是多玉樹芝草  
珍禽奇獸

南越志山有嶺十五璇房瑤室七十二所長溪亦七十二瀑布九百八十其上有神湖珍禽玉樹芝草

茅君內傳句曲洞天東通林屋北通岱宗南通羅浮皆大道也其間小徑雜路阡陌抄會亦非一處神湖東三里曰昇天橋其陽有谷夜聞鈞天之音有鳥焉其狀如鷄五采而文浴于谷口之水是曰鳳皇之谷

舊志夜樂洞中西谷有鳳皇出入曰鳳皇谷谷口

有鳳浴潭鳳來浴其中故名常有五色雲氣

鐵橋西曰大石樓其南有橋曰度仙相去五里曰小石樓有石門逕路十里可至

晉袁宏登羅山疏遙望石樓直上十里許石樓之於山頂十分之一耳去縣三十里便見山基至所處當百里許山下皆平敞極目

南越志石樓右帶牛嶺左據龍尾自右可登

裴淵廣州記羅山際天惟石橋一路時有閒遊者少得至山際大樹合抱極目如薺葉在他山之陽



有一小嶺云蓬萊邊山浮來着此因合號羅浮  
山記相去五里皆孤高峻峯邈出雲表重簷四柱  
宛如樓閣霞灼雲掩人迹罕到又云有石如鞍橋  
在石樓之間望之可高五十餘步有石柱二色如  
鐵亦名鐵柱故老亦謂之鐵橋後更名曰度仙橋  
傳唐武后時有何氏女有神仙之術持一石措小  
石樓之上遠觀如畫

舊志大小石樓在山上十里二樓相去五里其狀  
如樓有石門方廣可容几席俯視滄海蘇軾記曰

山不甚高夜半見日此亦異也山有二樓今延祥寺在南樓下

李承箕遊山記野人云大小石樓兩峯相際石脊乃橋也自宋以來不可識矣

上而巔巔至巔三百丈周迴二百里下而斜矗至麓三千三百丈周迴五百二十里

山記宋淳祐中趙汝馭守惠州開路于山頂建亭于衢路凡五處展雲先春橫翠拂松見日

羅山之陽有石臺高六百丈廣七十丈其上多奇

石其下有峯曰華山其南曰香臺又南曰會真多木  
無草多五色雀又南有谷焉前望朱明洞後臨蝦蟇  
峯是曰青霞之谷又南有丹竈夜有光見於東北龍  
虎峯如霞而五色其草多芝

山記瑤石臺盤根于羅山之南直上接鐵橋峯高  
六百丈迢迢獨出勢若削成綵綺絢爛如霞錦然  
其上有白石光瑩如瑤出其頂之左有峯曰華山  
仙人華子期之所息也其南有香臺峯又前有會  
真峯乃子期與朱真人會處其木多栖五色雀下

歷嵒岬有青霞谷乃蘇真人修煉之所谷前有田  
又其前有酥醪觀故址則葛洪北山庵基也又數  
里南爲都虛觀丹竈存焉日夜望見丹光照耀龍  
虎峯上江間見之芝草亦備五色鍾其氣也

其東南有會仙橋

舊志石橋橫亘倒垂神仙常此授受麻姑來往其

上下

冲虛觀前

其陰有玉鶯峯神女居之下有三穴出風雲而雨東  
北曰大獅峯人北九十里連阜接于增城曰鶯嶺

山記玉鶯峯峻峭狀如玉女又名玉娥峯葛洪妻  
鮑姑在此登仙下接風洞雲洞雨洞凡三穴在大  
慈寺洞內梁寺久廢俗呼鶯嶺其實鶯嶺在增城縣界  
與山相接自大獅峯北轉可到

又東兩峯間出曰大旗曰小旗又東一峯曰致雲又  
南一峯秀麗特起曰玉女又西南一峯如貝而文曰  
賽寶

山記玉女峯石上有仙女梳粧之迹其西有仙姑  
石其下有賽寶峯與玳瑁峯相望

又東南曰雙髻峯有仙壇符竹羅水出焉過釣魚臺東南爲碧溪又西南流爲羅陽水

山記羅水出雙髻峯劉仙壇下壇左右皆竹葉符

流過釣魚臺

冲虛觀

南十里爲碧溪亦曰羅溪其一

分流過山下西四十里羅陽縣廢城謂之羅陽水

雙髻峯一名丫髻峯

又東南有白鶴峯又南有峯平而圓曰石鼓扣之有聲又南爲松逕口其東爲龍尾岡又東南四十里龍江之水自龍穴出焉西北與羅陽水合南流注于海

山記白鶴峯唐女仙盧眉娘乘紫雲上此山其南有白鶴觀故址葛洪東山庵基也石鼓峯頭有石扣之如鼓其聲響應海潮松逕口乃入山之路自南轉東有龍尾岡其石纍纍一里而近俗呼石其子下其左有毛女寨嶺昂然若龍舉首故名龍嶼

惠州志博羅縣南至龍江水歸善界二里今謂之東江源出龍川之龍穴山北流至金溪潯羅溪之水入焉又西流六十里羅陽之水自北入焉

自松逕口至于白水山百里而近羅浮之東麓也

顧微廣州記南海增城縣有白水山有瀑布懸注  
百餘丈

舊志白水巖羅溪之東麓也有樵人登絕頂忽遇  
長澗中有小石橋僅可容足隔澗有二人對棋於  
林下傍列尊餽果有二小童侍樵人懼而歸集鄉  
人共求之已失其處矣

蘇軾記羅浮之東麓有源泉百仞山八九折折處  
輒爲潭深者墜石四五丈不能窮旁有巨人跡數  
十謂之佛跡巖巖西有院亦曰佛跡



浮山之陽有蓬萊峯其上多龍公竹有鳥焉毛彩如孔雀而五距名曰碧鷄其下有壇列仙之所集也其東南曰獅子峯多萬年松又南曰麻姑峯女仙之所集也有獸焉麝身狼尾馬足而黃色名曰麒麟真人乘之以陟降至則神祇迎謁會宴聞靈簫之聲

山記蓬萊峯以分自神島得名浮山之第三峯也

有龍公竹

一作龍葱

以有五距鷄故又名碧鷄山舊有

壇壇上有蓬萊閣真人於此宴會列仙

晉時移閣入葛洪祠

下至西南

中虛觀右

有獅子峯以形似名產萬年松乾

之不朽潰之復生是不死之草也又南有麻姑峯其下有臺麻姑居之其上常有彩雲白鶴女仙集焉晉唐以來現形人多見之者

道書洞天山中宮闕樓臺皆金銀所成西城真君王方平爲神仙之長出入惟乘一黃麟往來羅浮麻姑則女仙之長也男子初仙屬童初宮女子初仙屬易遷宮三年考陟奏章帝前朝元而還金童玉女昇真者各分宴於名山吹九靈之簫聲聞四十里真君所到山神川祇皆來奉迎拜謁南嶽衡

山君姓丹名靈峙南海君姓視名赤夫人姓翳名  
鬱寥南嶽以南其神龍身而人面其祀皆一白犬  
祈糈用稌

其西南有天漢橋

山記雲峯巖前一峯高架巨石約長六丈如橋接  
天漢

又西南有孤青峯其南洞中有華首臺

舊志孤青峯下有孤青觀址葛洪西山庵基也

南漢

改長壽觀

其南金沙洞

南漢改黃龍洞

洞中有華首臺後改爲

寺與七星壇及梅花村相近山下遊人常於此寄宿

羅浮靈異記其洞常有五百華首真人遊會開元

二十六年奉敕建醮于華首臺

後改爲華首寺僧稱佛書言有五百

華首  
菩薩

蓬萊峯之西曰錦繡峯旁爲百花徑是多異花草又西四峯疊出曰鉢盂曰瑋瑁曰拋毬曰鷄鳴

舊志錦繡峯多奇花異草四時紅紫錯集如繡鉢盂峯在阿耨池上象佛所持也瑋瑁峯亦曰玳瑁

山山下池中有玳瑁因得魯與羅山之東賽寶峯  
對皆有池水至今清碧怪石掩映狀如玳瑁而無  
物拋毬峯以近獅子洞故名鷄鳴峯在其西下亦  
曰鷄籠峯

其陰雲母峯之西北曰鳳皇岡神女居之其下雲母  
之水出焉西北注于增城之西青山而成淵神龜潛  
焉是曰龜淵淵東石逕可以步輦而上

舊志雲母峯在西龍潭上轉泉源山背西北一百  
三里至鳳皇岡則增城界也乃何仙姑所居嘗餌

雲母故溪水以此得名西北流注於增城西綏寧

鄉北循虎獅逕青山下有龜洲焉俗呼龜泉又有黃猿

櫻桃子三峯皆在山背

山記淵有神龜鼻帶銅環若人穢此淵卽注雨

又西南曰飛來峯有梅花村又西南五里有鹿角嶺

舊志梅花村在飛來峯

來一路作雲

側出獨樹徑沿路

皆茅廬村民多往鹿角樵蘇

自中路之南平疇迤邐而西曰藍田又南曰賣酒田

又西南曰泊頭其北爲小羅浮岡又西北有牛嶺十

里至增城

舊志唐尙書常袞自中閣之南開墾水田千餘畝  
後人取仙家種玉故事名之曰藍田盡梅花村西  
皆稻區也輦蠻近亦耕種其間南有市沽處曰賣  
酒田路轉西南有泊頭舟輿交湊墟市集處若道  
小羅浮岡西達增城可以陸行轉北有牛嶺一名  
角子山二十里有歐陽洞亦名歐陽嶺增城縣東二十五里  
民多茅居又有泰和洞相近九十里至增城縣治  
又西有奉宸橋其南有七星松仙靈之所息也

山記長安塘上有橋曰奉宸南漢僞主由此往天  
華宮故名其前古松七株上凌霄漢仙靈常在此  
憩息松後有七星壇葛洪履綦在焉七松嘗化爲  
道士隨鄒葆光入朝九重每夢見之

羅陽之水西流與增江合其一南流與龍江合三十  
里波羅之水入焉又南流注于海

山記羅陽之水西流入增江口其一支南與龍江  
水同流五十里至南海神廟前波羅水會之有東  
衝通海道晉盧循據廣州寇建康劉裕使裨將孫



處從海道擣其巢穴卽此路也自番禺來者必由  
焉陸行西南九十里東莞之石湖村水又合東莞  
諸水流出虎頭門外注于海

自泊頭至白雲山二百里而遙羅浮之西麓也

廣州記白雲爲番禺主山其上多白雲故名

山圖記

潘勗

羅浮兩山在惠州博羅峙縣西北五十里十大洞天  
之一相傳浮山自會稽浮海而來傳於羅山山高三  
千六百丈周五百二十七里

楊載鳴通志云長溪  
周迴三百三十七里峯

四百三十二瀑布九百八十石室七十二山有洞曰  
朱明曜真洞天島分蓬萊洞通勾漏左霍童右桂林  
遠蛾眉近金壇脈發庾嶺門出浮丘勝分蒲澗真神  
仙之聚窟也其最高曰飛雲峯峯有見日庵有瑤池  
夜樂池西有阿耨池旁有玉鸞峯有三界峯浮山之  
巔爲上界峯峯之下乃羅山浮山傳處爲泉源山七  
十二福地之一西有鐵橋峯南下五百丈爲仙女石  
是爲上界中峯又下爲磨石又下爲撐腰石又下爲  
青羊石是爲上界第三峯又下爲蝦蟇石下有夜樂

洞有試劍石鳳皇谷谷有鳳浴潭瀑布泉犀牛潭其  
登山之路三東自祖師墳後經蝦蟇峯而上南自南  
樓寺基大小石樓亦至蝦蟇石今路陡峻西自黃龍  
洞口往西龍潭鐵橋峯抵泉源山路陡峻山之南麓  
爲冲虛觀御簡亭丹竈遺衣亭衣冠塚故有蓬萊閣  
閣後遺履軒軒旁葛仙祠觀後朱明洞最後青霞洞  
有野人洞西北爲幽居洞洞後有滴水巖西南爲麻  
姑峯白蓮池張宋卿墓在焉南出爲朝斗壇東有釣  
魚臺有觀源洞觀前會仙橋觀東三里許故有明福

觀迤邐至石洞洞有石門鄺仙騎牛石有小水簾放  
有白鶴觀東北至蛇穴直北有酥醪觀又東數十里  
爲小羅浮右東蓬萊洞丫髻峯有劉仙壇峯下試劍  
石羅陽溪源出焉又東爲小丫髻冲虛西二里爲故  
長壽觀其右水簾洞洞口梅花村故有松風亭可賦  
庵洞口初入有五龍潭又入則諸石刻又入爲錫杖  
潭又入爲藥槽其下爲流杯池上有八仙石又入則  
宋郡守師顯行識處又入爲水簾故有黍珠庵張留  
讀書處深入爲蝴蝶洞又深入爲天漢橋又深入爲

雲峯巖故有庵洞之右爲故南樓寺上山十里爲小石樓又上五里爲大石樓又上爲鐵橋峯瑤石臺樓東有通天巖旁爲君子巖冲虛西十里爲故延祥寺故有明月戒壇百尺壇上山腰里餘爲寶積寺有中閣御書閣卓錫泉在焉其後羅漢巖最後伏虎巖有佛跡石延祥寺西五里爲黃龍洞有七星壇西龍潭交飛泉獅子洞上故有華首壇天華宮今改爲四賢祠故有甘露亭羽蓋亭雲華閣山陰鳳皇岡雲母溪其峯之奇要妙淵極不可以形容其石之奇古或珍

之其靈秀之毓於人爲文章宋則有張宋卿爲氣節  
則明有張津爲明經宋有潘預爲卓行則明有何宇  
新靈異之感依之以精儒業則羅從彥聞人則古成  
之鄭玠留正陳煥若遊覽有言言足紀勝則陳堯佐  
余靖周敦頤蘇軾唐庚楊萬里王胄李昂英趙汝馭  
陳璉想仰有言言足會景則李白杜甫李賀劉禹錫  
朱熹陳憲章又若異人盜靈以致精托跡以昭幻則  
葛洪鮑靚單道開白玉蟾其靈氣之產則籠葱竹竹  
葉符五色雀羅浮鳳大率氣脈自羅浮漫布宜前志

載以爲勝乃若增城據其陰欽州得其形漸之溫揚  
之泰長沙之攸風斯下矣